

ut ipse perhibet l.c.p. 540. Aliud exemplum ex Ezechiele à Castro
affert Bartholinus lib. 2. cap. 3. p. 233. qvi hoc ipsum etiam asserit de
Pilis Canum cap. 7. pag. 248. & nigrarum Felium cap. 8. p. 253. An verò
hæ exhalationes ex corporibus tum hominum tum brutorum accen-
sæ reponantur rectè inter exempla Ignis Lambentis à Joh. Sperlin-
gio Instit. Phys. lib. 5. cap. 7. p. 797. Gasp. Schotto l.c. & Alb. Kypero
Instit. Phys. lib. XI. cap. 4. §. 5. 599. seqq. valde dubitamus.

§. 5. Ex Arundinum qvoq; Indicarum collisu mutuo, non
aliter ac ex Chalybe & Silice, cum manifesto Sulphuris odore, flam-
mula in tenebris conspicua generatur. Dan. Sennertus in Epit. Phys. An-
tar. cap. 2. Tom. I. Oper. fol. 96. & Sperling l.c. cap. 4. pag. 762. Et Aqvæ
falsæ guttulas ex remorum concussione prosilientes micare & lucesce-
re per obscura noctis notat Franciscus Baco de Verulamio lib. 4. de
Augm. Scient. c. 3. p. m. 227. ubi simul de Saccharo asserit, qvod inter
radendum vel frangendum lucentes scintillas reddat, qvâ in parte
consentientes habet Schottum d.l. §. 2. pag. 1213. & P. Borellum, Cen-
tur. I. Obs. III. p. 6.

§. 6. In Altera Classe primo loco ponimus Dentem Giganteum splendore suo in locis obscuris conspicuum, qvem ex Sicilia Petrus Charisius secum portaverat, occasione cujus Th. Bartholinus lib. 1. c. 13. pag. 102. conjecturavit, dentem pueri illius Silesiaci, Christophori Mülleri, Anno 1593. abundasse forsitan eadem insitæ lucis copia & aurei coloris claritatem repræsentasse. Sed miror Clariss. Virum in causas & τὸ διοῦ inquisivisse, cum nec ipsum latere potuerit hæc evenisse, non per naturam, sed per fraudem alicujus Impostoris. Vid. Dan. Sennertus Medic. Pract. lib. 2. Part. 1. cap. 15. Tom. III. Oper. fol. 268.

§. 7. Referuntur huc qvoq; à Nonnullis isti Homines, qvibus licuit de Nocte videre, qvod de Albaniæ Incolis refert A. Gellius Noct. Attic. lib. 9. cap. 4. Plinius Nat. Histor. lib. 7. cap. 2. Solinus in Polyhist. cap. 15. de Tiberio Nerone Cæsare Svetonius in Ejus Vitâ cap. 68. & Plinius lib. XI. cap. 37. de Asclepiodoro Philosopho, cui Proclus Præceptor erat, ex Photii Bibliotheca Is. Casaubonus in Comm. ad l.c. Sveton. pag. 396. de Julio Cæsare & Josepho Scaligeris Mich. Piccartus Observ. Polit. Dec. I. cap. 7. pag. 47. de Cive Brigantinæ Urbis in Lusitanniâ Conimbricenses lib. 2. de Animâ cap. 7. qu. 9. art. 1. Athanasius Kirchertus etiam in semetipso haut infreqventer comperit, noctu
ê fo-